



(1) Volapükafless Valöpo!

Adelo sol nidon, e stom binon vamik. Sekü atos, fredobs venio,  
bi hitüp kömon: säsun vakenas, delas lunik, memamagotas jönik.

Hiflen John Cartwright älärmom Volapüki bü yels deglul. e, pötü  
visit lü el 'Hampton Court,' älärmom kaniti vönik tiädü "Sumer is icumen  
in" (" Nu elükömon hitüp).

Ekö tradutod omik:

Nu elükömon hitüp,  
Kaniton kukuk.  
Sids sprotons, e yebalan,  
Glofon dönu fotil.  
Kanitölös!

Lü jipül vokof jijip.  
Vokof kun lü bubül.  
Galikons histäg e tor,  
E kaniton kukuk!

Kukuk, kukuk, ol kanitol fredo,  
neföro stopolös!

Senäl yofik kion! Binon lobakanit jafäbas jafoteme, kel plakon  
jüiti minälük lifa nulik pos tim taka.

Danobs oli, o flen Cartwright, demü galükam pötik at.

Zelobsös, id obs, zälasäsuni stunabik somik!

Valikosi Gudikün Oles ed Olikanes

*Ralph*

REGĀN SŪLAS SŪMON AD . . . . .

Regān sūlas sūmon ad mutaragran, keli ek āsumon ed āsovon ini lāned oka. Binon vo smalikūn sidas valik, ab ven edaglofon, binon gretikum ka hārbats, ed evedon bim, sodas bōds sila kōmons ad nāstōn ini tuigs ona.

Regān sūlas sūmon ad lefapest, keli vom āsumof ed āmigof ini bōjuls kil meila, jūs pāmōkon lōliko ko lef.

Regān sūlas sūmon ad fitafilāt, kel pejedon ini mel, e konleton dinis valasotik. Ven binon fulik, tiroms oni sui jol, seidoms okis e sesukoms dinis gudik, e jedoms onis ini ninādians; e badādi mojedons.

Regān sūlas sūmon ad reg, kel āmeikom matedafidedi pro son okik, ed ālesedom dūnanis okik ad vokōn utanis, kels pivūdons pro matedafided; ab no āvilons kōmōn. Dōnu ālesedom dūnanis votik, ko komit: "Sagolsōd vūdābes: Ekōl fided obik pemōkon, hobubs e veter pepinādūkōl pepugons, e val binon blūmik. Kōmolsōd lū matedafided! " Ab nes demōn atosī, āgolons, balan lū lāned okik, votan lū tedabūsīd okik; e retans āgleipons dūnanis omik, ed āmitrāitons ed ādeidons omis. Nu reg at āzunikom, ed ālesedom kriganis okik ad dadeidōn sasananis, e ad lefilūkōn zifi onas. Tāno āsagom dūnanes okik: "Matedafided binon sio blūmik, ab vūdābs no āvōladons pro at. Gololsōd lū travārōps vegas, e vūdolsōd ad matedafided alutanis, kelis otuvois." Dūnans et nu āgoloms sui vegs, ed āblinoms valanis, kelis ātuvoms, badikanis e gudikanis. E tab matedafideda ābinon fulik me lotans. Ven nu reg ānūkōmom ad lelogōn lotanis lenseatōl, ālogom us meni, kel no ilenūkōn matedaklotemi; āsagom ome: "O flen! Lio ekōmol-li isio nen matedaklotem? " Ed āmūātikon. Tāno reg āsagom dūnanes: "Tanolsōd futis e namis omikis, lasumolsōd omi e jedolsōd omi ini dagōp plōdikūn! Us drenam e knir tutas odabinons. Ibā mōdikans pevokons, ab nemōdikans pevālons."

(Tradutods fa hiel Arie de Jong)

## VI: 43:2012

### TÄLEN

(fa hiel Frank Roger)

Hiel Stuart äzogom, ed älogedom züo. Idunom saidikosi. No äkanoy lilön igo noidi fibikün se zif, fagotü spat minutas deg. Länod äbinon vo sigik; muskeps äcenons ad bimüls smalik pefainiköl Böds nonik ädabinons us; te näsäks ömik, kels ärönons mo e ge, äpladulons nimavoledi us. Top at äbinon dialik ad disin oma.

Äblotükom bäki, ed ädoniologetom lü glun. Suno osevom, va okanom gebön täleni okik ma plän tidala: "Tikäl ola dalabon nämí legretik, kel neföro büo pegebon. Stebedon eki ad tüvön oni," isagom.

"Sántret levemik, äsí viläl gretik odälädons oli ad dunön milagis adelik. No dasevol nämí gretik tikäla olík. Nüdranolöd dibiko ini tikäl ola, e gebolöd, no peneletöl, täleni ola. Ab fümükolöd, das obinol ai mastan ota. Ostunikol, e täläkt ola olitikon". Pos düps mödik preparama lanik e studas teorik, ekö fino pöt göník ad blufodön vobedi tidama."

"Primobsös!" ätikom Stuart. "Gebobsös nolís valík teorik at." Alogetom muskepi fo om, ämoükom tikamagotis neveütik se tikäl oka, ed äsänträtükom tikäli sui gloy at. Dibü lan omik, nám gretik äsvelädon ai plu. Ti äbemaston oni. Dub viläl teik äplöpom ad bemastikön nämí gretik at, e ad sántretükön oni sui muskep. Süpädü om, äfredom ad dasevön, das muskep äprimon ad mufön, ad grünikön. Tidan omik lgidetom. Düps mödik studa ä pläga fino äflukons.

Anu muskep äspröton stagis e sprotianis, kels äprimons ad kröpön love glun nefluköfik.

Pos timüls ömik, muskep itelon gretoto e sprotians iflorons. Florableds äredikons ed äfalons glunío, kiöpaó pälasumons fa sprotians branöl ad pagebön as dön. Stags äsprotons tuigís, kels äglofons ai geilíkumo. Sprotians äbigikumons ai, pävilupons bal love votik ad jafön tapädi gloyöl, kel ätegon sürfati ai vidikumí.

Bü nelunü, muskep ivedon plan madik labü flors kölas jönik, kel äsproton tuigis e sprotianis votik mödikum. Süpädü Stuart, älogom, das näsäks, kels äkripöns züo, päfanons fa sprotians, pävilupons e pänespalons fa ons. Plan ivedon midifidik, e valikos fo on päfidon. Ab äglofon ai plu, ed äsumon valikosi rivoviko. Bimüls e tufs muskepa votiks, kels pisumons, pädnulifikons, e suno äbinons lims stäänükama susbundanik.

Ekö smilil anu su logod ela Stuart. Neföro büo ikredom, das dalabom täleni so nämiki, so milagiki. Do ileadom finükön säntreti oma, bit, keli iprimom, äfövon ai. Kis jenösöv-li? Lifazäl omik, keli ijaom dub geb muskepa nemödik – lifazäl somik, ofövon-li, ovedon-li cöngul smalik, ovedon-li taid travärü länod sigik, keli no okanoy stöpön, e kel ovotafomon oni ini planavoled bundanik? Oslugon-li näsäkis, äsi nimis votik, kels ponüsugons ini balatam te bal? Kisi jenöfo idunom-li? Ovedon-li täd, igo most, kel ovikodon valikosi? Binom-li, om it, mastan ota? Okanom-li stöpön, u nosükön utosi, kelosi ijaom?

Vilom löädön, gestepön, logön vobi oka fagotao, e kontrolön va äkanom reigön bundanöfi lifa, keli ijaom, ab no äkanom löädön. No äkanom mufön lögis oka. Doniologom, ed äjekom ad dasevön, das futs e donolögs lölöfiko pivilupons fa sprotians. Steifülom ad moukön onis, ab vano. Gleipom sprotianis me nams bofik ad sleitön onis de lögs, ab äbinons tu nämiks. Ven ävilom livükön doatis oka ad disinön votikosi, no äkanom dunön osi, bi sprotians ya ivilupons i doatis. Anu igo nams pivilupons, ed äkanom te küpön sprotianis, kels äföfioglofons valöpo. Viluponsöv-li omi, äsä ivilupons näsäkis, e fidonsöv omi, nüsugön omi? Plan at, ovikodon-li jafani it? Kanom-li dunön nosi? Binom-li no plu mastan?

Dü tim, dü plan äfövon ad vilupön viktimi, ätikom: “döbob, ob it, dö atos. Esötob täxetön täleni obik bü geb ota. Sosus ilogob fani ä fidi näsäkas, esötob büologön sekis. Ebinob nesufädik, nekälük, fopik. Ed anu binob viktiman jafäba lönik. Somo obinob nüsugäb ota. Fin somik bo lönedon tefü ob. Ekö bo lon valemik, keli etüvob, ekö bo desin finik tidala obik. Atos bo äbinon dasev dibik, keli esötob gleipön. Liedo dasev et ekömon tu latiko. Evifikob tumödo ad blufön täleni oba.

## VI:45:2012

Nu sprotians ävilupons omi ti lölöfiko. Meditom: "Atos obinos-li büologam fäta jafäbas valik? Fäta zifa kobü milans mödik lödanas-li? Fäta voła plödü zif-li? Fäta menefa-li? Fäta lifa taledik-li? Selman, seimo, no kanon-li stöpön progedi dina somik, ud ovikodon-li vali?

Ab plan, ofölon-li zügoli natik: glofikam – fibikam – deadikam, ud ofövon-li dü period semik, ad fino fainikön büä däm seimik fefik podunon? U planatapäd rööl at, otenükon-li doatis nenstopovik valöpio, to mens valik?

Du sprotians ävilupons valikosi fo logs omik, älabom visioni finik: Paokalüp äbinon nevitovik, ed äbinon grünik!



## DAJONÄD IN BUKEM TATA BAYÄNIK

Pötü deadamadel tumyelik pädana Johann Martin Schleyer (1831 – 1912), Datuvan Volapüka, ojenon Dajonäd in Bukem Tata Bayänik tü del 14<sup>id</sup> yunula, yela 2012 (dödel). Pos maifükam zelik Dajonäda, Bukemakor okaniton kanitis Volapüko.

Tü del 15<sup>id</sup> yunula (fridel), ojenons spikäds lul in Bukem, kels id ogebidons bukafoomo.

Detülis mödikum kanoy tuvön ladetü:

<http://www.bsbmuenchen.de>

(Danädü Vicifal Donald Gasper)

## TIKAMAGOTS FRUTIK

Dü neit, kats valik binons gediks.

Sinod pekoeföl, sinod lafo pepardöl.

VI:46:2012

LÄLID – KAPIT VELID (4)

(fa hiel Lewis Carroll)

TIEDAZÄLÜL LIENETIK

"Iilob sümikosi," äsagof Lälid. "Id osevol, das vöds  
sököl binons:

"Löpu talaglöp mu gretik flitol  
Äs tiedaboed silo vebol.  
Glimolös, glimolös - "

Anu Liron älemufükom oki, ed äprimom ad kanitön du  
äslipom: *Glimolös, glimolös, glimolös, glimolös* - ed äkanitom so  
lunüpo, das ämutoy knibön omi ad stöpön omi.

"Benö! Töbo ifinükob setüli balid," äsagom Hätel, "das  
Köradam älöplobunof ed äluvokädo: "Deidom misuri! Säcöpayöd  
kapi omik!"

"Kruäl dredabik kion!" ävokädo Lälid.

"Ed ai sis tım et," äfövom Hätel, lügo, "vilom dunön nosi,  
keli säkob ome! Binos ai düp mälid anu."

Süpo, Lälid älabof tikamagoti legudik. "Binos-li kod, das  
tiedadins somödik binons is?" äsäkof.

"Si, gidetol," ägesagom Hätel, seifölo: binon ai tiedadüp,  
e no labobs tımı saidik vütımo ad İävön tiedadinis."

"Seko niludob, das zümufols ai zü tab," äsagof Lälid.

"Kuratiko so," äsagom Hätel: "sosus efigebobs dinis."

"Ab kis jenos-li ven İükömolıs lü plad balid dönu?" Lälid  
äriskof ad säkön.

"Bespikobsös üfo yegädi votik," äropon Mäzul-Liev, cavölo,

## VI:47:2012

"Favikob dö atos. Mobob, das lädül konof obes konoti."

"Liedo no sevob konoti," äsagof Lälid, boso pemuifüköl lo mob at.

"Liron üfo odunom osil" bofikans ävokädons. "Galikolöd, o Liron!" E bofikans äkniboms otüpo flanis bofik oma.

Liron ämaifükom nevifiko logis oka. "No äslipob," äsagom me vög raodik, fibik: "Elilob vödis alik, kelis äsagols."

"Konolöd obes konoti!" äsagom Mázula-Liev.

"Si, begob oli!" älebegof Lälid.

"E vifö!" älüükom Hätel, "voto oslipikol büä okono! oni."

"Seimikna ädabinofs sörs smalik tel," äprimom Liron, go spidiko, "Ed änemofs Lisül, Lasül e Tilül; ed alikans äldödfs donü fonäd -"

"Ab kisi äfidofs-li?" äsagof Lälid, kel al äntedälof dö fid e drin.

"Äfidofs te melatis," äsagom Liron pos tik ömik.

"Ab no mögos ad dunön soiko," äsagof sofiko Lälid, "bi malädikofsöv."

"E jenöfo ämalädofs," äsagom Liron; "ämalädofs vemo."

Lälid ästeifülof ad magälön lifamodi nekösömik somik, ab äbifuvof tumödo dub atos; seko äfövo: "Ab kikodo lödofs-li donü fonäd?"

"Drinolös tiedi mödikum, begö!" äsagom Mázul-Liev ele Lälid go fefiko.

"No edrinob nosi jünu," ägespikof Lälid me vög vemo skänik, "seko no kanob drinön mödikumosí."

"Viŭol sagön, das no kanol drinön *neplu*," äsagom Hätel: "bīnos vemo fašilik ad drinön *mödikumosi*, ka nosi."

"Nek ävilom sevön cedi *olik*," äsagof Lälid.

"Ag! Kif spikof neplütiko anu?" äsäkom Hätel levikodiko."

Lälid jenöfo no äsevoj vio gespikön atosi: seko äsumoi tiedi, bodi e böri ömik, tån flekof oki dönu iū Liron, e dönuof säki oka: "Kikodo älödofs-li donū fonäd?"

Liron betikom säki ofa dü minuts ömik. Fino sagom: "Abinon jenöfo melatafonäd."

"Din somik no dabinson!" äprimof ad sagön Lälid, zunölo, ab Hätel e Mäzula-Liev äsagoms: "Söl Söl e Liron äsagom todäliko: "If no kanol plütön, finükolöd konoti, ol it.

"Nö! Fövoläs konoti ola, begö! äsagof Lälid vemo mükiko; no cropol oli dönu. Ba dabinson *ba*!

"Ba, dido!" äsagon Liron, leskaniko. ed äbaicedom ad fövön konoti. "Ed ibo sörs kil at - älärnofs ad däsinön -"

"Kisi ädäsinofs-li?" äsäkof Lälid (kel ya iglömof promi oka ad no ropön).

"Viŭob labön bovüli klinik," äropom Hätel: "mufobsös föfio me plad ba!"

Ämufom äsä äspikom, e Liron äsökom omi: nu Mäzul-Liev ämufom ini plad Lirona, e Lälid boso nevilöfo ämufof ini plad Mäzul-Lieva. Jenöfo Hätel äbinom utan, kel ifrutom ceni, e stad ela Lälid äbinon jenöfo badikum ka büo, bi Mäzul-Liev ebo anu ispilom miligi ömik se luflad ini boved oka.

"Melatis," äsagom Liron, löliko nen vätälön atna gespiki.

(Fövat osökon ün mul okömöl)